

Scurtinio di tre a reveder i conti di hebrei.

- † Sier Marco Donado, fo consier, qu. sier Bernardo.
 Sier Antonio Condolmer, fo savio a terra ferma,
 qn. sier Bernardo.
 Sier Marco Loredan, fo avogador di comun, qu.
 sier Domenego.
 † Sier Stefano Contarini, fo consier, qu. sier Ber-
 nardo.
 Sier Domenego Capello, fo provedador al sal, qu.
 sier Carlo.
 † Sier Zacaria Gabriel, fo consier, qu. sier Jacomo.
 Sier Piero Capello, fo savio dil Consejo, qu. sier
 Zuan procurator.
 Sier Lorenzo di Prioli, fo consier, qu. sier Piero
 procurator.

Fo tolto scurtinio di provedador in Are et non
 fo balotado.

- 116 *Copia de una letera del conte Christoforo Fran-
 gipani, è prexon in Toresella, mandata a
 sier Zuan Antonio Dandolo provedador so-
 ra i presoni, scritta a dì . . . Mazo 15 15.*

Magnifico missier.

Mando a quella, cui sotto scrivo, uno insonnio
 per me insuniado una de queste note pasade, per far
 rider la magnificentia vostra, per esser vario e de
 più opunione; del qual insunio credo esser causa la
 partida de la excellentia del signor Bortholamio
 senza far altro, dove io sperava che la so' signoria
 avesse a far qualche bon prenzio de le cose pre-
 xente; e non vedendo altro effetto de la partida de
 quella, restai molto de mala voia con molti pensieri,
 con li quali me misi a dormir una de queste notte
 passade come mezo desperado. E cussi dormendo,
 parevame esser in logi estranii, per li quali andando
 uno longo tempo, me parse arivar in uno logo dove
 vidi una anima, *etiam* uno corpo; visto quello mi
 fermai tuto dubioso vardando quello. Visto mi, l'a-
 nima mi domandò chi io era; a la qual resposi « es-
 ser io Cristofalo Franchapanni. » Me domandò che
 voleva? a la qual ge resposi: « Servirte. » La sacra-
 tissima ancora me dimandò che cauxa jera de la mia
 venuta in loco presente. Io ge resposi: « In veritade
 la cauxa si è li bisogni, la nezessità con li pericoli
 cussi presenti, como futuri proveduti. »

In quello stanti, e me comenzò el corpo a diman-
 dare se io lo conosceva; el qual io ge resposi molto

cognoscer, nominando li contrasegni. « Non estu
 quel serenissimo corpo, lo quale non me volse nè
 mi, nè li mei per lo pasado? Non n'estu quello sere-
 nissimo corpo, lo quale me fa de più patire che nes-
 sun altro? El qual vene in questo loco per la varia
 fortuna conduto, la qual anche mi non volse perdo-
 nar? » El me rispoxe esser ogni cossa per el meio.
 Quel pregai humilmente dirme la cauxa, la quale
 intendendo con alegrezza manco pena patiria e tanto
 più resteria obligato in futuro per servicii cordial. Non
 me fa più risposta, forsi per sdegno del debito fato
 per me in lo passado, o per lo azidente presente pa-
 tiva el dito corpo; qual vedendo cussi sdegnato, me
 parse el meio star come muto, non per esser ostinato,
 anzi esser più come esser desperado. E cussi stando,
 vidi molti disputar de l'azidente pativa dito serenis-
 simo corpo. In la conclusion de la desputazion lor,
 io ho inteso che davano la colpa del gran azidente
 si jera vegnuta per le medexine esser usate per lo
 pasado, le quale medexine dixeivano intra lor esser
 state portate de soto el ponente, chiamate alexandri-
 ne et juliane; ancora dixeivano aver adoperato mede-
 xine vegniente da tramontano, colmando tutti loro
 in la desputazion esser cauxa tale medexine de lo
 grande azidente et malatia, proponendo intra lor
 le medexine non n'esser stade bone anzi velenose,
 o per perder le lor virtù per longo portar de la
 tramontana in qua. Spezialmente quelle che vegnivano
 per lo reame, erano per mal cura mandate per es-
 ser e gobo et mal sano, e cusi tutti sui suzesori del
 dito; e dixeivano sopraditi in la loro disputation esser
 questi suzesori del conte soto el drago et al tauro, et
 per questo tal dizi non potevano aver nula bona sa-
 nità, e cussi anche le medesime de quella patria non
 se laudavano.

Tute queste soradite nome parevano esser sufi-
 ziente a sanar el dito serenissimo corpo, pensando
 io esser el corpo de quatro elementi, zoè aiere,
 fogo, terra et aqua; et per esser alterado elemento
 de la terra con l' aqua sopra altri due elementi de
 là, me pareva esser la causa de l'azidente fono ado-
 perade soradite medexime non n'essendo esse reti-
 ficate, e per questo movevano la malatia; *tamen*
 non la potevano mandar fora per non esser sufi-
 ziente, nè propiate a cussi fato azidente. *Etiam* le
 dite medexine, per non n'esser retificate, lasavano
 dopo lor et la prexa un resto, el qual sempre mai
 acresceva lo azidente con lo danno, spezialmente
 regendo el vento de p. isu d. s. p.

Azonzendo qualche medexine levantine sora
 queste prime nominate, a mi pareva non mancar